



ILLVSTRISSIMO, CLARISSIMOQVE VIRO  
**IACOB O BARENTIN**  
 EQVITI. DOMINO DV BOVCHET. D'HARVILLIERS.  
 DV PLESSIS, DES BERRVRIES, MAISONCELLES, &c:

TVSSANVS FOVCAVLT.

**C**VM verum illud sit apud Medicos, parentum in filios cum semine mores transmitti; facile conieci (Vir Clarissime) eum apud te humanitatis omne genus experturum, quem Praeses Illustrissimus, felicitis memoriae Parens tuus, singulari semper benevolentia complexus est, & Philosophicis olim disputationibus intentum, sua dignatus est praesentia recreare. Ne mireris igitur, non aude-  
 re me nunc nisi sub tuis auspiciis in Medicam arenam descendere? Sat scio quod & quam graue debilibus humeris onus imminet, & nisi praesto sis, qui vel prostratum erigere, vel nutantem, velis  
 sustinere, infaustum difficillime dissertationis exitum vix effugiam: ex ea si feliciter emergero, ut omnino tuus ero, tam hereditario iure, quam proprio; sic totis enitar viribus, ut quaecumque me, tui  
 tuorumque gratia, suscipere iubebis obsequia, ea non minus fideliter, quam alaeriter implentur.



# Q V Æ S T I O M E D I C A .

## QVOD LIBETARIIS DISPVTATIONIBVS MANE DISCVTIENDA

### IN SCHOLIS MEDICORVM, DIE IOVIS XVIII. IANVARII,

### M. CLAVDIO TARDY, Doctore Medico, Præside.

*An morbis à pituita, vomitus? à bile, dejectione?*

95<sup>2</sup>

**A**D præcautionem instituta vacuatio appositè perficitur phlebotomiâ & purgatione, sed & vno vomitu plerumque fieri potest, in pituitosis quidem ieiuno ventre & crebrius, in biliosis rariùs, & à satietate. Ventriculus alimenti promptuarium, partibus omnibus humores distribuit, superuacanea vniuersi corporis excipit dum vehementius agitur. Sic vbi procathartica causæ vis innouit, ea vomitu mox excludenda, ne corrupta in habitum refundantur, vel cuiuspiam parti obfirmata morbum inducant. Idem præcauet morbos ex tempestatum mutatione. Helleborismus in fractura calcis, brachij, cruris, primo die vel altero inflammationem præuertit. Nec præcauendis solum prodest vomitus, sed & curandis morbis quampluribus. Vniuersum corpus iuuat citra febrem, ideòque vlcus vteri ex totius virio sanat, icterum. Sed partium quoque morbis à pituita, vel ex hac bili permixta. Nec similibus modò, sed organicis quibusdam confert: vtrum moderatus deprimit elatum: vehemens prolapsum erigit sursum: errabundum firmat: ichio hærentem dimouet: liberalem muliebrum profusionem cum fecunditate largitur.

**F**ONS humoris grauis supremum situm, leuis infimum ad mixtionis facilitatem obtinuit, & vt pituitæ impluuius æstus viscèrum infringatur, quæ si copiosior in ventriculum decumbat, suo lentore tumultum ciet ac vomitum, ad quem pituitosi procliuiiores, pueri iuuenibus, Septentrionales Meridionalibus, obesi gracilibus, mulieres viris; & proinde faciliùs ferunt & iuuantur. Sed hyeme magis quàm æstate. Bilis ad intestina deriuatur, instar clysteris insiti vi pollens purgandi. Hæc ignis Microcosmi sursum rapta parens est omnium febrium in proprium canalem reuocanda, vt febris desinat cholagogis non emeticis, qui haud conueniunt nisi ab humore frigido vexatis, & dum bilis in ventriculum est effusa, quæ si caput impetat, hoc incandescit, phlegma exhauritur, nec ampliùs cerebrum cordi æstuantis præsidium est. Vomitus permulctis vtilissimus, modò facillè vomant, sint classi; nocet gracilibus, biliosis; licet bilis partes superiores afficiat. Promoueatur radicibus, folijs azari, semine atriplicis, floribus anethi, iulis iuglandis, nunquam sibi puluere, cataputiâ, cyclamine, gratiolâ, ricino.

**V**ATVOR humorum fontes singuli propriis & proximis meatibus euacuant exuperantiam: cerebrum phlegma per os, cor sanguinem per nares, iecur bilem per aluum proximam, per eandem lien humorem feculentum, serum, quatuor humorum commune vehiculum, per renes exernitur. Idem morbos dum committunt imitatione naturæ, euacuandi sunt per ductum quàm maximè vicinum. Affectus partes supra diaphragma obidentes, per superiora, qui infra purgatior indigent per inferiora. Licet sæpius ac crebrius prauis humoribus proprios fontes & vicinas partes afficiant, quàm remotiores; si quando has inuadant, curatio per proximum ductum istius principij instituenda. Obscurescentes, ophthalmici, comatosi & lassitudine vlcerosi iactati, diarrhæa biliosa spontaneâ vel artificiali iuuantur. Nec arthriticis, hydropicis, & quibus in pulmone subest vlcus, aliæque in parte corporis vulnus, vomitus competit, sed deorsum facta purgatio. Ex humorum permixtione morbis quæ sit decernenda purgatio, indicant ipsi humorum fontes.

**Y**EMS tempestatum algidissima, in cerebro cumulat phlegmaticum succum, paritque ex ipso in capite acthorace subiecto, frigidissimos morbos, qui vomitu curari debent. Æstius ardor bilem reponit multam, iecur, lienem, renes pessimè afficit, crebriùque in alina regione morbos excitat, deiectione, haud vomitu curandos. Nisi bilis ex ciborum corruptione ventriculo coëreatur, vel in hunc ex vniuerso corpore decubuerit, tuncque non pituitam modò, sed ipsam bilem sursum purgabis, quæ enim vergit humor est educendus; ventriculus vix nisi vomitu purgari potest. Quare graciles, biliosos & facillè vomentes aliquando licet purgare sursum æstate, nunquam hyeme: Ex aduerso pituita, cuius vacuatio fieri debet sursum, si quandoque deorsum purganda; hyeme potius, quo tempore potest eâ copîa produci, vt eam vomitu agitare non minus periculosum, quàm in leucophlegmaticis, qui per initia deorsum, dum conualescunt, sursum purgandi. In graui lienteria ex adhærescente intestinis & pyloro phlegmate, nunquam sursum purgabis in ipsius vehementia, metu suffocationis & nimii confluxus in partem affectam. Quamquam diarrhæa, tenesmus, dysenteria, sicut & lienteria ex decubitu pituitoso prodeuntes, vomitu vt proprio præsidio curari debeant. Pituita semper sursum æstate, aliquando bilis; hyeme contra bilis semper deorsum, necnon aliquando, pituita. Opportunitas duos humores purgandi sursum crebrior æstate, deorsum hyeme. Proximus humoris dominantis ratio, vomendum sex menses hiernos, æstate purgandum.

**H**VMORIS propensio propter anni morbi que tempus aliquando vincit indicationem ab ipsius fonte desumptam: vincitur à natura particulari vomere nescia, præ constitutione pulmonis molli, rara & inepta vomitui structura, colli scilicet ac pectoris, quod si carinatum, prominent scapulæ, comprimuntur oesophagus & viscera, situs diaphragmatis vitatur: hinc vomendi difficultas: Nec potior est indicatio petita à morbi specie & partis affectæ natura, eâ, quæ ab humoris causa origine. Idem phthificos ex fluxione pituitæ bili permixta, vel salæ, cuius generatio in capite, sursum purgare licet, melancholicos deorsum liberaliùs. Febris quartana secundaria ex humore melancholico, deiectione, primigenia plerumque humoris crassi pituitosi soboles, pueris familiaris, vomitu curari debet. Lienosi ex bilis congestione fecessu, à pituita, vomitu vacuandi. In apoplexia, otalgia, pulmonis inflammatione pro humoris dominio, eadem curandi ratio. In quam sedem corporis irreperit nescia refluxum pituita meatu proximo vacuetur, diarrhæa, perirrhæa, sudore; licet à primo nature instituto sit alienus. Hinc plurimi morbi mulieribus proprii egent purgatione per inferiora, quod vtrum morborum muliebrum causam afficiant infra diaphragma situm, essi prodeant à pituita, quæ ratione fontis vno vomitu excludi debet.

*Ergo morbis à pituita, vomitus, à bile, deiectione.*

Proponebat Lutetiæ TVSSANVS FOVCAYLT, Parisinus, A. R. S. H. M. DC. XLVI.

DOMINI DOCTORES DISPVTATVRI.

M. Petrus Bourdelor.  
M. Carolus le Breton.  
M. Quintinus Theuennym.

M. Claudius Perrault.  
M. Tuffanus Fontaine.  
M. Ioannes de Monfrail, Schol. Professor.

M. Cyprianus Hubault.  
M. Guido Patin.  
M. Iacobus Theuaret.

